

չէին օգտվում հարկաւոր հմտութեամբ, որի պատճառով և վերջին ժամանակներն են միայն սկսել ընդունել մեծամեծ չափեր, (որոնք) հաւանականաբար, ոչ հեռու ապագայում կաճեն աւելի եւս: Այն ժամանակից սկսած, երբ վերացրին մենավաճառութեան եղանակը, գանձարանի արգիւնքը սկսեց աճել իւրաքանչիւր աճուրդի հետ. այսպէս՝ 1880 թ. մինչեւ 1885 թ. միջոցում տարեկան վճարը 29 գետային և լճային ձկնորսատեղիներից հասնում էր 298,857 ռ 1885—1891 թ. միջոցում արդէն 757,793 ռ. իսկ ներկայ տարուաւ սկզբում եղած աճուրդին 14 ձկնորսատեղիներից միայն ստացուել է 967,258 ռ: Ընդ ամենը 1891 թ. ստացուել է գետային և լճային ձկնորսատեղիներից 1,003,151 ռ. 69 կոպ., 20,310 ռ. էլ ստացուել է ծովային ձկնորսութիւնից: Արդելուած ժամանակի համար նշանակուած հսկողութեան դէմ ոչ մի փոփոխութիւն տեղի չի ունեցել, համեմատելով նախընթաց տարուց հետ:

Ձկնորսութեան մասին ստացած վիճակագրական տեղեկութիւնները շատ հեռու են ճշմարտութիւնից. ձկնորսութեամբ պարապողների ներկայացրած թուանշանները, առանց որ և է կարծիքի, պակաս են իսկականից. որովհետեւ երկիւղ կրելով աճուրդի բարձրացնելուց, նոքա աշխատում են միշտ ցոյց տալ գործը ս'չ այնքան ձեռնտու, որքան է նա իսկապէս, բայց որովհետեւ Գանձարանի շահերը պահանջում են ունենալ աւելի ճիշտ տեղեկութիւններ ձկնորսութեան մասին, ինչպէս և արգիւնքի, անհրաժեշտ է հիմնել մաքսատուն—արգելարաններ Կասպեան ծովափում, որտեղից ճանապարհվում են ձկնի բեռները ծովով, նույնպէս և երկաթուղու այն կայարաններում, որ ստանում են ձուկը ուղղակի ձկնորսատեղիներից երկաթուղով ուղարկելու, որոնք կը հաղորդէին ձկնորսատեղիների վարչութեան իւրաքանչիւր ամիս տեղեկութիւններ ուղարկուող բեռների քանակութեան, նոցա պարունակութեան, իւրաքանչիւր բեռան կշռի և ուղարկողի անուան մասին, որպիսի միջոցներ մեծապէս նպաստած կլինէին ստանալու աւելի հաւաստի և ճշգրիտ տեղեկութիւններ այս մասին: Ձկնորսատեղիների կապալառուների տուած տեղեկութիւնների հա-